

廣陵醫籍叢刊



喉科初指



卷三

理真能承志鎮魯氏著

男福成嚮五氏校

咽癰門

伏寒喉癰



伏寒喉癰內積寒外感時邪
發兩關腫痛紫紅脉浮象清
咽加減立時安

此症因積寒在內外感時邪而發紫紅腫痛於帝丁兩傍
脉浮不數

治用清咽散加羌活河車赤芍葛根山甲歸尾各二錢皂
刺蘇葉木通各一錢細辛分兩日後加山梔一錢去羌葛
二味四五日可愈

腫爛喉風



腫爛喉風潰爛亮脾家積熱
發於中寸關兩脉皆洪大針
穴清咽服有功

此症脾家積熱而生紅腫潰爛兩寸關肺脉洪大者是也
治宜針少商商陽關冲少冲兩手八穴血多為妙先以津
化八仙散一服嚥下再用清咽散加鹽水炒元參二鹽水

炒黃栢酒炒黃芩各錢半生大黃錢三山梔木各一錢河車
錢如一服後可去大黃不必再瀉三日後用十八味神藥
栢葉汁嚥漱即愈外吹鳳凰散或白獅丹

淡白喉風



淡白喉癰何以癰肺脾寒氣	受於中切忌誤用寒涼藥七	日之內必成膿有膿即用針	挑破外針穴血自輕鬆加減	清咽三四帖管教全愈見奇	功
-------------	-------------	-------------	-------------	-------------	---

此症因脾肺受寒其色不紅若用寒涼之劑七日之內必成膿潰六脉弦緊身發寒熱

治法即用針挑患處出膿初起針少商商陽兩手四穴出

其紫血用清咽散加蘇葉赤芍歸尾各錢半次日換加山
甲角刺河車各二錢

大紅喉癰




此因肺脾積熱甚腫脹成癰
色大紅六脉洪大身寒熱針
穴清咽病自鬆

此症因肺脾積熱其色鮮紅腫脹關內六脉洪大身發寒
熱

治宜急針少商商陽兩手四穴或針患上出血先用山梔

木通各一錢海浮石生大黃歸尾角刺山甲河車各三錢
黃芩花粉赤芍各錢半河水煎二三十沸後下清咽散內
去前枳二味同煎數滾即起二帖可愈

聲啞喉風



聲啞喉癰寒太重肺臟閉塞
以成癰湯水不入聲音啞或
生斑爛熱寒攻肺脉沉而兼
帶瀉脾胃脉洪清咽通待至
聲音全不啞細心加減見全
功

此症因着寒太重肺臟閉塞以致湯水難入或有爛斑肺
脉沉瀉脾胃脉洪大背寒身熱

治用清咽散加羌活錢一葛根錢二蘇葉錢二一服漱之二日後

聲音不啞去前三味換加花粉錢乳香分五葛根酒炒黃芩
歸尾赤芍山甲角刺各二錢再服八仙散玉樞丹二帖全
愈

車 喉 癰



車喉癰或左右生身熱背寒
脾肺述有紅點者因風火無
紅點是風寒凝當用清咽散
自效甦寒解熱自然平

此症或左或右身熱背寒脾肺之症有紅點者風火無紅
點者風寒脉象如前

治用清咽散加蘇葉錢二羌活錢二漱之次日再加赤芍歸尾

豆根山梔各錢半服一帖即愈

外症喉癰



外症喉癰頷下生天突穴上
 乃為身內外皆腫飲食碍初
 見無痰內少形此因風毒相
 凝聚清咽加減漸能輕日久
 如已成漏管十全大補可安
 寧

此症生於頷下天突穴之上內外皆腫飲食有碍初起無
 痰涎內不見形跡乃風毒也

治用清咽散加黃耆角刺山甲歸尾赤芍河車各二錢紅

花萵根各一錢乳香分五連進三服以消為止如已成漏管

用十全大補湯收功

癰 喉 腮 兜



兜腮喉癰生腮下又喚懸癰
鬱積寒清咽用以消為主膿
恐針之成漏頑參耆可以或
期效遇此須當仔細看

此症生於腮下其名懸癰因鬱積寒氣而發外用宮灸之
法二壯

治用清咽散加山甲歸尾角刺川芎白芷各一錢升麻

分三

紅花_{分五}乳香_{分五}以消為度有膿針之成漏管者多用參耆
內托或可收用藥之功遇症不可輕忽